



Zijad Fazlagić, stečajni upravnik „Hidrogradnje“, tvrdi

SIPA bila u Butmiru, ali ništa nije uzela

Mislim da je riječ o jednoj redovnoj proceduri, jer je firmi otvoren stečajni postupak

Stečajni upravnik „Hidrogradnje“ Zijad Fazlagić potvrdio je jučer za „Avaz“ da su dva inspektora Državne agencije za istrage i zaštitu (SIPA) boravila prekjčer u Butmiru, u podružnici SIGMA-e, ali da nisu izuzeli bilo kakvu dokumentaciju niti su obavili pretres firme. Fazlagić je mišljenja da su pripadnici SIPA-e postupili po nalogu

Tužilaštva BiH te tvrdi da je obavljen samo informativni razgovor.

- Mislim da je riječ o jednoj redovnoj proceduri, jer je u „Hidrogradnji“ otvoren stečajni postupak. Njih je zanimalo da vide kako je došlo do toga da firma završi u stečaju. Meni je drago što su došli, ali nikakvu dokumentaciju oni nisu uzeli, niti su od nas šta tražili. Znam da je

Sindikata tražio ulazak raznih agencija, pa i SIPA-e. Neka sve bude utvrđeno. Bolje za sve nas - kaže Fazlagić.

Iz SIPA-e su potvrdili za naš list da su provjere obavljali po naredbi Tužilaštva KS.

-Po okončanju provjera sačinio će se odgovarajući izvještaj, koji će biti dostavljen nadležnom tužilaštvu - rečeno je za „Avaz“ u SI-

PA-i.

U Sindikatu „Hidrogradnje“, prema riječima Redžepa Tufekčića, vjeruju da SIPA istražuje navode o kriminalu u firmi, koje su još davno prijavili.

Naš list još u aprilu 2015. godine objavio je da Tužilaštvo KS vodi istragu u „Hidrogradnji“, a po prijavama radnika iz 2011.

M. Aš.